

SAPTUAM THUPI KHENNEN

Khrist mel sun Nu taktak hi dia Khrist Diktatna a kilamthakna

Eph.5:22-24; Kol.3:8; 1Kump.21:7-14;
Gen.3:6; Amos 4:1-3; Mark 6:17,21,28.

BYF : May & JUNE: Phatna leh Biakna tungtawna a diktatna hinkhua a lahkhiakna.

Sam 100,150; Johan 4:20-24.
Praise & Worship a nuamthei pen a neih ding.

BDF May- June:

Omdan Khrist tanchinhoih toh kituhsak ding dan. Phil. 1:2

Vankhua leh tuite bang in- Phil 3: 17-20
Pathian kipahna bang a gagmtat ding- Kol 1:10
Na hoih chiteng a gahsuah- Kol 1:10
Pathian theihna kim a khan semsemna- Kol 1:10
Tagah gentheite lama banzak a panpihna sem ding
- Nas. 9:36
Itna ah om hi-1 Kor 13:1-8.

APRIL & MAY BCD BIBLE TANG SINDING

Beginner – A : Sam 139:1-6
Beginner – B : Sam 150:1-6
Primary : I Timothy 6:6-10
Junior : Matthai 5:3-12
Intermediate : I Korinth 13:1-7
Senior : Paunakte 16:1-9
(Note: Chang 3,4,6 te Bible BI leh a dangte enle Chiang zo kha ding).

SAPTUAM BANK ACCOUNT DETAIL

“Evangelical Baptist Convention, Delhi”
A/c No. 11084241142

State Bank of India, New Delhi Main Branch,
Parliament Street, New Delhi - 110001,
IFS Code SBIN0000691

Email: finance@ebccdelhi.org leh
Mob. No. **9818687331** ah piakna details
theisak zel le kichian mahmah ding.

NIPINI NAWN BIAKNA HUNZEK

May 28, 2017

09:30 AM : COUNSELLING HUN.

11:00 AM : BIAKNA KIKHOP.

Pathian' Phatkawmna : WT makaih in.
Thumkhamna : Mipi
Thilpiak/Latna : Upa T. Gou Khangin
Pem Laklutna : Secretary, TBSUC
Thumsakna/Thugenna : Pastor
Pathian' Phatkawmna : WT makaih in.
Hunkhakna/Vualzawlina : Upa Chinsum

2:00 PM BIAKNA KIKHOP YOUTH FOCUS

Biakna leh Phatna : Worship Team
Thilpiak Latna : Upa Chinsum
Thumsakna : Pastor
Thugenna : Rev Ram Khaning,
Dwarka Community Church
Phatkawmna : Worship Team
Hunkhakna & Vualzawlina : Upa Damsomthang

BCD DEVOTION PROGRAMME

May 21, 2017

Pitu : Htp. Muante
LST Sima thumna : Tuanlungmuan Tonsing, Jr B
Phatkawmna : Lapiite' makaih in
Spl. Item : 1. Kap Vang Lian Pri. A
2. Kammuanthang Pri. A
Thupuanna : A om bang bang:
Thugenna : Htp. Lianbiakmuan-
(Rebuild and Restore)
Thilpiak latna & Hunkhakna : Htn. Sonkim
----Pawl kikhenna om diing----

COMING UP EVENT FOR MAY 2017

May 21. (Sun) = TBMC Meeting.
May. 27 (Sat) = WT Orientation

Biakna Kikhop - NIPINI TENG
ZING DAK 11:00 AM
SUNNUNG DAK 2:00 PM

Laisiangthou Bulpuh

*“ Zaw n k h a l n a h i a m
hauhsakna hiam hon pe kenla,
keia ding a kihun zahlel an
honpia in.*

Paunakte 30:8,9.

PRAYER POINTS

> Tuni Nipini hun hoih hon musak
Toupa min I phat ahi. Tuni Biakna
hun nihte lohching taka I zat zohna
ding un thumni.

> Khanawn sung a Saptuam ni
poimoh penticost, naupangte' ni leh
pate' ni lohchingtak a I zat theihna
ding un thumna a phawk ni.

> Damlou kikem a omlel I saptuam
mite Toupa lak ah thumna in tun in, a
lunggulh uh damna ngetpih ni. Dam
leh hoihnam nawtte ziaik in kipahtu
gen khial kei ni.

> I nau/tate summer break zang lel
uh ahih man in khalam leh salam a
pathian dei na bang a I makaih
theih na ding in thumna a phawk ni.

> Worship team orientation leh
Tuailaite workshop neih dia hun
gelte thumna'n lanni.

> Nipini nawn Biakna hunseh
kigelte - I zat theihna ding in Toupa
khut hat ah kikemsak ni.

Khateng Nipini masapen chihlough
zing 9:30 - 10:30 sung Counselling
hour hi gige hi. Hiai hun in mimal hi
in, innkuan hileh Pastor thumsakna
lunggulh leh houlim nuam kuapeuh
welcome ahi.



Tukha Thupi

Khrist mel sun Nu taktak hi dia
Khrist Diktatna a Kilamthakna

For Private Circulation Only | May 21, 2017

TUNI BIAKNA HUNZEK

9:30 AM - COUNSELLING HUN

11:00AM - ZINGLAM BIAKNA KIKHOP

Pathian' Phatkawmna : WT makaih in.
Thumkhamna : Mipi
Thilpiak/Latna : Upa H. Kam Suanthang
Open Sharing :
Pathian' Phatkawmna : WT makaih in.

Hunkhakna/Vualzawlina : Upa Tuanmuanthang

Tea Fellowship - Singpi dawn a kithuahkhawmna**NIPINI PAITA (14/05/17) A THILPIAK LAKKHAWM**

Nipini Thilpiak - ₹ 25,117 /-; Sawm-a-khat 55,031/-
Missionary vakna - ₹ 8800/-; GBC Student support
₹ 1,000/-; BDF (Dorced) - ₹ 1000/-

2:00PM - SUNNUNG BIAKNA KIKHOP

Biakna leh Phatna : Worship Team pina' in
Thilpiak Latna : Upa Thiankhanmuan
Thugenna : Pastor
Hunkhakna & Vualzawlina: Upa Khamkhanpau

Tea Fellowship - Singpi dawn a kithuahkhawmna**WELCOME ALL**

Tuni EBCC Delhi a biakkhawmna hun hong uap Toupa misiangthoute
I Toupa Jesu Khrist min in itna chibai buk in kon vaidawn uh.
Nou toh Pathian bekhawm-phatkawm a om nuam kasa ua, lemtang
omchia nong kikhop zel uh ka lamen uhi.

KXRIST MELSUN NU TAKTAK HI DIA KXRIST DIKTATNA A KILAMTHAKNA

(Last issue editorial sutzopna)

2. Nu chi a honsam na tate GOU ahi uh: Leitung ah mihing te'n gou ichih theih thil tampi petmah om; mun-le-mual, inn-le-lou, sum-le-pai leh thil/van lui khenkhat. Pathian hatkhum Lai Siangthou I et leh GOU chi a Chiangtak a ana gen phetlou a *Toupa apan* ana chih tuh TATE ahi uhi (Sam 127:3). Gou ichihte thil manpha kep leh zuun ngai chihna leng ahi. Lai Siangthou ah kigelh kei mahleh Pathian vaihawmna mai a I din Chiang a dotna khat hi dia ka gintak mahmah tuh, "*Gou ka hon kepsak (te) ka kiang non tun na maw?*" chih ahi. Hiai ah kingaihtuahna ding om in ka thei; tulai in I khosak buai lua ua, sum-le-pai, silh-le-ten leh nek-le-tak buaipih in, Toupa'n goutan hon piakte etkolna ah theihtawp suahlou I de aw...hon chisak vungvung hi. Aziaktuh naupangte leh tuailaite lak a siatna tuamtuan om te'n gou kepna lam a ipanlak louh gah hon langsak

ahihman in. I Toupa Jesu'n hi chi'n gen, "*Na gou omna peuh ua na lungtang uh leng a om ding ziaik in*". Khua khat a ka zinna ah, nitak khat ka tunna te invengnu'n a aktui lai uh giltanglou hong kan lam ka thei gige lai hi. I ganta te kimlou khawng I zon lai a I tate pai hun a pailou te ihmud limtak a ihmud san hithit thei chih I gam dinmun ahi. I gen ut tak tuh tate sang a poimawh ngaihzaw, lungsim leh mit tukna nei kha ihihleh, a mihing mahmah it Jesu Khrist Diktatna ah Kilamthakna le ichi mahmah hi.

3. Nu chi a hon sam na tate theihchet sawm in: Leitung misiam te'n mihing a kibang khat lel leng omlou ahi chi uhi. Mihing hiai zah lak a kuamah finger print (khut lam) kibang khat lel leng omlou chitang hilhial uhi. Sam gelhtu'n ...lauhuaitak leh lamdangpi a bawl ka hihziak in; na thilhihte lamdangtak ahi a...(Sam 139:14b) ana chih dik mahmah ahihdan phawk thakthak in om hi. I gen ut tak tuh hiai ahi; I ta/tate mi ta/a u leh naute tawh kibanglou ahi uh chih a thu kia hilou in atak mahmah in isep-ibawl, igen-isak leh I etkol dan a langsak le chih huai lotel hi. Na nau ahihke'h na u na bang kei, huai nu/huai pa bang enve chih peuh a I tate chih baihsam lua hi. Kuamah tawh tehkaklou a amau a hih theihna om pen khantouh sak ding chih tulai naupang lam kepna a misiamte muhkhiak dan ahi. Pathian in mihingte kivatna leh felna hon piak na om chiat ahihman in tua muhsuah sawm a, tuabang tawh kituak a tate etkol tuhun a I poimawh ahi diam ka chi hi. Nu te'n Chiangtak a tate theihnelna lam a

Khrist Diktatna a Kilamthak a panla ding in hanchiam ni.

Thukhitna: Ka skul kai theitung a subject khat, *Paite Sintung bu* atawpna lam ah tangthu tom tamlou om hi. Tuat lak a gen nei kasak mahmah tuni tan a ka mangngilh nailouh AISA NUTA tangthu ahi. Ni khat Aisa nuta lui gei ah hongpai uhi. A nou pen ama a pai in a pi'n a nung a zui hi. A pi'n a nou pai a muh Chiang in nalhsa lou in, *bawi bangchi pai doihoi na hia? Tangtak in pai ve*, chi hi. A nou in, *Nu nang pai bangbang a pai keivoi, ka pai tang ding na dei leh ka ma ah hongpai inla kon zui ding* chi'n dawng hi. Hiai tangthu apan kampau ahihke'h thuhilh kia hilou in omdan-gamtat a panlak poimawh ahihdan muh theih in om hi. Lai Siangthou in, *Naute aw, thu kia in it kei ni, lei kia in leng it sam kei ni, thilhih leh chihktaktak in hizaw hen* chi hi (1Johan 3:18). TOUPA'N A THU PANSAN A I THUGELH SAULOU, SIMTUTE A DIA GEN NEI HIDING IN HON VUALZAWL SAK HEN AW.

MAY 2017 Usher

11:00 AM Biakna :

1. Nu. G. Biakching
2. Nu. Muanvung
3. Pa. Samuel Hauzel
4. Pa. Jamgoumuan
5. Pa. Lamthianmuan

2:00 PM Biakna :

BYF JNU & Vasant Area Fellowship.
(Toupa gam nasepna poimoh ngaih a nong ki piak na ziaik un Pathian in thupina tangta hen).

EBCC Delhi Ministerial Activity 2017
WORKSHOP FOR MEANINGFUL EMPLOYMENT

1. A ni, hun leh mun ding:

A ni : June 03, 2017 (Kiginni)

A hun : 09:30am - 02:40pm

A mun : EBCC Delhi Biakinn Basement

2. Resource Persons:

Thangzasiang Paite, AEO, Rajya Sabha Secretariat, Parliament of India

Joyful Tonsing, ACO, Rajya Sabha Secretariat, Parliament of India

Tup-le-ngim:

EBCC Delhi tuailai member, Delhi khopi leh a sehvel a khosakna ding ngaihtuah aomte, kithuahkhawmna tungtawn a kizopna bawl a tha kipetuah ding; workshop Tungtawn a kikapkhawmna, kisinsakna leh kilamhilhna neih ding; Pathian' Thu pansana kahasotna leh kithumsakna neih ding, chihthe hiai workshop in a tup leh ngim ahi.

3. A telthei ding leh a tel ding mite zonna: EBCC Delhi a tuailai member maban khosakna ding ngaihtuah dia kisa, ngaihtuah lelleh leh a semsate lak a a hoihzaw leh detdouzaw lunggulhte kuapeuh a tel thei ding. A telding mite kaihkhawmna Pastorte'n TBYF committee leh Area Co-ordinatorte tawn a theihsakna/chialna neih a, a lunglutte registration bawl ding. Hiai nna hongtung ding Nipini (April 30) a pat ding. Last date of **Registration** June 01, 2017 tan hihsak ding.

SUNNA

1. Pa Pauchinkham u/o Nu Florence Sonkim, R.K. Puram in nisim 19.05.2017 in hon na beisan ta hi. EBCC Bungmual inntekna in vuiliam in om ta hi.
2. Pa L.Khamlian B/o Pa L. Ginthuam of Munirka in nisim 19.05.2017 in hon na mualliamsan hi. EBCC Central Lamka inntek na in vui liam in om ta hi.
3. Nu Zenniang M/o Pa M. Lamlun of R.K. Puram, in nisim 20.05.2017 in Hon na mualliam san hi. EBCC Khominthang inntekna in tuni in vuiliam in om. Lusunna tuak innkuante' isuunpih a Toupa van khamuanna in amaute khamuan leh chih ithumna ahi.

WT ORIENTATION OM DING

I saptuam a poimoh mahmah Worship team in 'Kitungding tuahna' (1 Thess 5: 11) chih thupi a zang in, hong tung ding nisim May 27, 2017 in orientation programme 10:30 AM - 3:30 PM. EBCC Delhi Biakinn a nei ding uhi. Hiai hun a Biakna & phatkhawmna, Sharing experience neite' akipan leh workshop leh practical session kikapkhawmna leh sinsakna om ding hi. Hiai hun a Silver jubilee mitsuan kawm in WT in kihanthawn naleh Laazil na Joint WT in Silver Jubilee hun a laapi' ding zilna leng pan ngal ding uhi.

Gahsuhah dia lamette: WT singers, Musicians & technicians te'n amau pankhakna ciat a poimohdan theih behlap di; Mahni kipiakna & panlakna lam zel fel leh lungtunhuai tak a seemkhe di'a thathawhsak hi di; Kipak kawm a Toupa nasep kici WT te hinkhaw paidan hong hi di; June 21-25, 2017 Silver Jubilee hunzeek adi'a kisingsatna hun hoihtak hi di. Program gahsuang ahong hihna ding in thumna in phawk ni.

ANNUAL REPORT 2016-17

Annual Report (Period: March 2016 - March 2017) hawmkhiak ahi ta a Saptuam inn chih a khat bek om leh chih ahi a, ala nailou om leh Biakinn kong a Table tung a laktheih ding.

FIRST- AID THOHKHAWM THEIH

Nipini/saptuam program omchiangin damlouh guihna, a biikin naupangte kisukliamkhakna omthei ahihna ah, I Saptuam office ah first-aid box, Thermometer & BP Monitors, telin kikoih gige a. Tu'n ah first-aid box a omte a tamzaw beita. Tu in cotton roll, bandage, Dettol, band-aid, iodine/benzene, plaster, gloves, paracetamol (pain-killer), etc. te poimohna om a. I saptuam member te lakah, kuahiam in Pathian nasepna a ngai a, thawh ut om leh hiai a thu zak theih ding.

I/C Ushering & Hospitality
L/Upa Thuambiaklian
(9899683270).